



Маҳалла

ШАНБА

2014 йил 8 ноябрь,
№94 (1061)

www.mahallagz.uz info@mahallagz.uz

БОШҚАРУВ ЙИГИЛИШЛАРИ

Устувор вазифалар ижросида изчиллик зарур

«Маҳалла» хайрия жамоат фонди ҳудудий бўлим ва бўлимларида жорий йилнинг 9 ойлик фаолият якунларига бағишланган йиғилишлар бўлиб ўтди. Тадбирларда «Соғлом бола йили» Давлат дастури, Фонд Иш режаси ҳамда тизимга оид меъёрий-ҳуқуқий ҳужжатларда белгиланган вазифалар ижроси муҳокама қилинди.



Фонднинг Бухоро вилояти бўлими томонидан Давлат дастурининг мазмун-моҳиятини маҳаллаларда тушунтириш борасида 16 та семинар ҳамда 2 мингга яқин тарғибот тадбирлари ташкил этилди.

— Аҳоли бандлигини таъминлаш кун тартибидида долзарб вазифалардан, — дейди «Маҳалла» хайрия жамоат фонди Бухоро вилояти бўлими бошқаруви раиси Маҳмуд Тоиров. — Шу боис ҳисобот даврида 1639 та тадбиркорлик субъектини ташкил этишга беvosита кўмаклашдик. Натижада 2 мингдан зиёд янги иш ўрни яратилиб, 1500 нафардан ортиқ хотин-қиз ҳамда 800 нафардан зиёд ёш меҳнатга жалб этилди.

Ёшларни ҳарбий ватанпарварлик руҳида тарбиялаш мақсадида маҳаллаларда 654 марта тарғибот тадбирлари ташкил этилди. Ушбу йўналишларга Фонд ҳисобидан 1,2 миллион сўм маблағ сарфланди.

МАҲАЛЛА КЎЗГУСИДА



Шинам, кўркам ва мухташам бинолар юртимизнинг кўркидир

Истиқлол йилларида фуқароларнинг ўзини ўзи бошқариш органи — маҳалла мустақкам ҳуқуқий асос ва кенг ваколатларга эга бўлди. Миллий меъморчилик андозалари асосида қад ростлаётган фуқаролар йиғинлари бинолари сони тобора ортиб бормоқда. Биргина пойтахтимизда барпо этилаётган маҳалла идоралари шахар хуснига ҳусн қўшиш баробарида фаолларга самарали хизмат кўрсатишда муҳим омил бўлмоқда.

Толбжон НИЗОМОВ «Mahalla»

— «Фуқароларнинг ўзини ўзи бошқариш органи фаолиятининг самарадорлигини янада ошириш чора-тадбирлари» ҳамда «2012-2016 йилларда фуқаролар ўзини ўзи бошқариш органининг моддий-техник базасини мустақкамлаш бўйича талай ишлар

амалга оширилди, — дейди «Маҳалла» хайрия жамоат фонди Тошкент шаҳар бўлими бошқаруви раиси ўринбосари Аҳрор Фуломов. — Режага асосан 15 та маҳалланинг капитал, 20 тасининг жорий таъмирланиши, 28 та йиғинга компьютер жамланмалари, 36 тасига мебель жиҳозлари олиб бериш кўзда тутилган. Айти пайтгача Юнусобод туманидаги «Гулистон» ҳамда Олмазор туманидаги «Хончорбор» маҳаллаларининг янги бинолари фойдаланишга топширилди, 25 та маҳалланинг биноси реконструкция қилинди.

Худудларни ўзига хос хусусиятлари, шароит ва имкониятларидан келиб чиқиб, ижтимоий-иқтисодий ривожлантириш, аҳолининг турмуш даражасини юксалтириш, оилаларни мустақкамлаш, ижтимоий-маънавий муҳит барқарорлигини таъминлашдек жамият ҳаётининг барча жабҳаларини қамраб олган вазифалар маҳалла фуқаролар йиғинлари иштирокида бажарилаётганини инобатга олсак, ушбу институтнинг замонавий биноларда фаолият юритиши давр талаби эканини англаймиз.

> [2]

САЙЛОВЛАР — ДЕМОКРАТИЯ КЎЗГУСИ

Юрт тараққиёти — халқ фаровонлигининг муҳим қафолати

Мамлакатимиз тараққиётида, жамиятнинг демократлашувида муҳим сиёсий жараён — Олий Мажлис Қонунчилик палатаси, халқ депутатлари вилоят, туман ва шаҳар Кенгашларига сайловлар яқинлашгани сайин фуқаролар йиғинларида ишлар қизғин тус олаётир.

Абдумажид САТТОРОВ, «Маҳалла» хайрия жамоат фонди Жиззах вилояти бўлими бошқаруви раиси.

Фуқароларнинг ўзини ўзи бошқариш органи Олий Мажлис Қонунчилик палатасига, халқ депутатлари вилоят, туман ва шаҳар Кенгашларига сайлов бўйича участка сайлов комиссияларининг аъzолигига номзодларни тегишли комиссияларга тақдим этиши, номзод кўрсатиш тўғрисида қарор қабул қилиш ваколатларига эгаллиги уларнинг зиммаларидаги масъулиятни янада ошириди.

Сайлов тизимини янада демократлаштириш, номзодларга, сиёсий партияларга сайловолди ташвиқотини ўтказишда тенг шарт-шароит яратиш, сайловнинг очиқлиги, ошқоралигини таъминлаш бўйича миллий қонунчилигимизга киритилган ўзгартиш ҳамда қўшимчалардан сайловчиларни хабардор қилиш фуқаролар йиғинлари иштирокида амалга оширилади.

> [2]

ИСТИҚЛОЛ БЕРГАН ИМКОН

Бойсун улкан бунёдкорлик остонасида

Мамлакатимизда олиб борилаётган улкан ислохотлар самараси нафақат иқтисодий кўрсаткичларда, балки аҳоли турмушининг янада фаровонлашаётганида ҳам яққол кўзга ташланипти. Бундай ўзгаришлар туфайли фуқароларнинг эртанги кунга ишончи мустақкамланаётир.

Нигина ШОЕВА «Mahalla»

Юртимизнинг жанубий ҳудуди — Сурхондарё вилоятини ижтимоий-иқтисодий ривожлантириш борасида талай ишлар амалга оширилмоқда. Хусусан, Вазирлар Маҳкамасининг жорий йил 22 октябрдаги «Сурхондарё вилояти Бойсун туманини 2014-2016 йилларда ижтимоий-иқтисодий ривожлантириш чора-тадбирлар дастурини тасдиқлаш тўғрисида»ги йиғилиш баёни туманининг янада тараққий этишига хизмат қилади.

Шундан келиб чиқиб, «Маҳалла» хайрия жамоат фонди Сурхондарё вилояти бўлими ва Бойсун тумани бўлими томонидан 2014-2016 йилларда 14 та маҳалла фуқаролар йиғинини компьютер жамланмалари, 18 тасини мебель жиҳозлари билан таъминлаш, 12 та йиғин идорасини жорий, капитал таъмирлаш мақсадида 403 миллион сўм маблағ ажратиш режалаштирилган.

> [3]



«ФУТБОЛИМИЗ КЕЛАЖАГИ»

Катта спортга илк қадам маҳалладан бошланади

Шаҳар ва қишлоқлар, олис овуллардаги маҳаллаларда болалар спорт майдончалари, турли секцияларни жамланган мажмуаларнинг фойдаланишга топширилаётгани ёш авлоднинг соғлом турмуш тарзига одатлантирибгина қолмай, улар учун нуфузли мусобақалар эшикларини ҳам очаетир.

Омирбай ЕСБЕРГЕНОВ «Mahalla»

«Маҳалла» хайрия жамоат фонди ташаббуси билан ҳар йили ўтказиб келинаётган «Футболимиз келажаги» турнири миллионлар ўзининг оммавий тус олишига туртки бераётир. Ўсирилар тўпни қабул қилиш, шеригига ошириш, зарб билан тепиш, дарвозага тўп киритиш маҳоратини ўзлаштираётир.

Тўртқил туманидаги «Марказобод» маҳалла фуқаролар йиғини ўсирилари ҳар йили



ушбу футбол мусобақаларида муваффақиятли иштирок этишмоқда. Жорий йилда марказободлик 11-12 ёшли ўсириллар «Футболимиз келажаги» Республика турнирининг финал ўйинларида иштирок этиб, голиб бўлишди.

> [4]

ЎҚУВ-СЕМИНАР

Билим ва тажриба ҳар соҳада асқатади

Бугунги кунда фуқароларнинг ўзини ўзи бошқариш органи аҳолини ижтимоий ҳимоялаш, ижтимоий-маънавий муҳит барқарорлигини таъминлаш, бандликка кўмаклашиш, аҳолининг ижтимоий фаоллигини оширишда етакчи кучга айланган.

М. МЕЛИҚУЛОВА «Mahalla»

Шу боис маҳаллалар қошидаги асосий йўналишлар бўйича комиссиялар раисларининг соҳага доир ижтимоий-сиёсий, ҳуқуқий билимларини ошириш, тизимга оид янгиликлардан уларни хабардор қилиш кечиктириб бўлмайдиган вазифадир.

«Маҳалла» хайрия жамоат фонди Хоразм вилояти бўлими бошқаруви томонидан таш-

кил этилаётган фуқаролар йиғинларининг асосий фаолият йўналишлари бўйича комиссиялар раислари учун ўтказилаётган ўқув-семинарлар ҳам шу мақсадга хизмат қилмоқда.

Машгулотларда мамлакатимизда демократик ислохотларни чуқурлаштириш мақсадида маҳалла институти изчил ривожлантирилаётгани, жумладан, «Соғлом бола йили» Давлат дастурида фуқароларнинг ўзини ўзи бошқариш органи фаолиятини такомиллашти-

риш, уларнинг ҳуқуқ ва ваколатларини янада кенгайтириш, жойларда ижтимоий ва иқтисодий ривожланишга оид масалаларни ҳал этишдаги аҳамиятини янада оширишга алоҳида эътибор қаратилмоқда.

Фуқаролик жамияти шаклланишини мониторинг қилиш мустақил институти Хоразм вилояти ҳудудий бўлими ҳамкорлигида уюштирилаётган семинарларда янги тахрирдаги «Фуқароларнинг ўзини ўзи бошқариш органи тўғрисида»ги қарори билан тасдиқланган Намунавий низомлар мазмун-моҳияти хусусида кенг тушунчалар берилмоқда.

— Машгулотларда ўзимизни қизиқтирган кўлаб саволларга жавоб олдик, — дейди Хива туманидаги «Дўстлик» маҳалла фуқаролар йиғини қошидаги Ижтимоий кўлаб-қувватлаш бўйича комиссия раиси Файрат Юсупов. — Эндликда биз аҳоли билан ишлашда машгулотларда олган билимларимизга таяниб иш кўраимиз. Маҳаллани аҳолини манзилли ижтимоий кўлаб-қувватлаш,

хусусий тадбиркорлик ва оилавий бизнесни ривожлантириш марказига айлантиришга, шунингдек, давлат органи фаолияти устидан жамоатчилик назоратини амалга оширишга доир вазифаларни кенгайтиришга интиляймиз.

Семинарларда комиссия раисларига Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида белгиланган устувор вазифалар ва уларнинг ижроси билан боғлиқ масалалар, мамлакатимиз ижтимоий-сиёсий ҳаёти, қабул қилинаётган қонун ҳужжатлари мазмун-моҳияти кенг тушунтирилади.

МАҲАЛЛАМ — ФАХРИМ

Соҳибқирон номини улуғлаб

Самарқанд вилояти Булунғур туманидаги Амир Темур номи маҳалламизда кун сайин бунёдкорлик, ободончилик ишлари авжида. Бу ишларга бош бўлган фаоллар аҳолини ягона мақсадга сафарбар этгани, илгор ташаббусларни кўлаб-қувватлаб келатгани айни муддаодир.



Латиф СУВОНҚУЛОВ, Самарқанд вилояти Булунғур тумани Амир Темур номидаги маҳалла фаоли.

Жумладан, кўчаларимиз қиёфасини кўркамлаштиришда маҳалладошлар бир ёқадан бош чиқариб, ариқ-зовурларни тозалашди, мевали ва манзарали дарахт ҳамда гул кўчатлари ўтқазилди — маҳалла кўркамга кўрк қўшилди.

Аҳоли турмуш фаровонлигини ошириш, сифатли хизмат кўрсатиш тизимини изга солиш ҳам фаоллар эътиборида. Маҳалла аҳоли тоза ичимлик суви билан таъминлаш мақсадида бунёд этилган 6 та янги кўчага қувурлар тортилди. Жамоатчилик маблағи ҳисобига бу кўчалар асфальтланди.

Айни пайтда қувурлар эскиргани боис газ таъминотида узиллишлар бўлаётганди. Оқсоқол ва фаолларнинг ташаббуси билан маҳалла аҳолига юқори босимли газ қувури тортиб келиш масаласи кўтарилди. Вилоят газ идорасининг кўмагида 1200 метрлик қувур тортилиб, газ таъминоти яшилди.

Бугун мамлакатимизда бири-бирдан кўркам, замонавий ва қўлай маҳалла фуқаролар йиғинлари бинолари қад ростлаб, барчанинг ҳавасини келтирмоқда. Биз ҳам шундай бинога эга бўлишни истардик. Чунки маҳалла идораси биноси таъмирталаб бўлиб қолганди. Бу масала ҳам кўпнинг кўмагида муваффақиятли ечим топди. Маҳаллада йиғилиб, ба-маслаҳат тегишли ишлар тақсимлаб олинди. Аҳоли ҳашарда жонбозлик кўрсатди. «Маҳалла» хайрия жамоат фонди туман бўлими ёрдам бериб, бугун маҳалла идораси биноси кўркам қиёфа касб этди.

Бионинг иккита хонаси милиция таянч пункти ва «Маҳалла посбони» жамоатчилик тузилмаси сардори учун жиҳозлаб берилди. Йиғиннинг диний маърифат ва маънавий-ахлоқий тарбия масалалари бўйича маслаҳатчиси алоҳида хонага эга бўлди. Раис ҳамда масъул котиб хоналаридаги қўлайликлар қадрдон маскандаги ишларнинг юришиб кетишига омил бўлаётир.

Соҳибқирон Амир Темур — фахримиз, гуруримиз тимсоли. Унинг номини улуғлаш, миллатимизни улуғлаш демакдир. Шу боис сеvimли масканимизни янада обод қилиш, аҳоли ҳамжихатлиги ва ҳудуд осойишталигини таъминлаш йўлида бор куч ва имкониятларимизни ишга солаверамиз.



БОШҚАРУВ ЙИГИЛИШЛАРИ

МАҲАЛЛА КЎЗГУСИДА

САЙЛОВЛАР — ДЕМОКРАТИЯ КЎЗГУСИ

Устувор вазифалар ижросида изчиллик зарур

Шинам, кўркам ва муҳташам бинолар юртимизнинг кўркидир

Юрт тараққиёти — халқ фаровонлигининг муҳим кафолати



< [1]

Аҳолининг ижтимоий ҳимояга муҳтож қатламларига манзилли мурувват ёрдамлари кўрсатиш бўйича 600 га яқин маданий-маърифий тадбирлар, учрашувлар уюштирилди. Ҳар мингга яқин ижтимоий ёрдамга муҳтож оилага моддий кўмак берилди.

Меҳрибонлик, Саховат ва Мурувват уйларидаги 185 нафар фуқаро ва тарбияланувчи, шунингдек, ижтимоий ҳимояга муҳтож оилалар, ёлғиз кексалар, уруш ва меҳнат фахрийлари, ногиронларга «Маҳалла муруввати» масъулиятчи чекланган жамияти томонидан ишлаб чиқарилган кийим-бошлар тарқатилди.

Тўй ва маросимларни маддабасиз ўтказиш бўйича маҳаллаларда 1701 марта маънавий-маърифий тадбир уюштирилди. Ижтимоий муҳофазатга муҳтож 33 та ёш оилаларнинг никоҳ тўйлари ҳамда 13 нафар кам таъминланган оила фарзандларининг суннат тўйлари ўтказишда кўмаклашилди.

«Соғлом бола йили» Давлат дастури ҳамда «Маҳалла» хайрия жамоат фонди Иш режасида белгиланган тадбирларнинг ижросини таъминлаш мақсадида жами 562 млн. 500 минг сўм Фонд маблағлари сарфланди.

Фаргона вилоятида ўтказилган йиғилишда ҳисобот даврида қўлга киритилган ютуқлар билан бирга, тизим ходимлари олдида турган муҳим вазифаларга ҳам алоҳида эътибор қаратилди.

— Бўлим томонидан 9 ой давомида «Соғлом бола йили» Давлат дастурининг мазмун-моҳиятини маҳаллаларда тарғиб қилиш мақсадида 21 та семинар, 1,5 мингдан зиёд тарғибот тадбирлари ташкил этилди, — деди вилоят бўлими бошқаруви раиси Акромжон Йўлбарсов. — Айниқса, Президентимизнинг асарлари ва маърузаларида белгилаб берилган мақсад ва вазифаларни аҳоли ўрасида кенг тарғиб қилиш мақсадида жойларда 4 мингдан ортиқ учрашув ва давра суҳбатлари уюштирилди.

Ҳисобот даврида фуқаролар йиғинларининг моддий-техник базасини мустаҳкамлаш, мавжуд биноларни реконструкция қилиш, янгиларини қуришга катта эътибор қаратилди. Ма-

ҳаллаларда спортни оммалаштириш мақсадида 16 та бола-лар майдончаси қайта таъмирланди, 5 таси янгидан қурилди.

Хоразм вилоятида ўтган бошқарув йиғилишида мустақиллик йилларида турли соҳаларда бўлгани каби маҳаллар ободлиги, фуқаролар тинчлиги, соғлом авлод тарбиясига катта эътибор қаратилгани алоҳида таъкидланди.

Йиғилишда туман бўлиналари раислари томонидан Иш режа асосидан амалга оширилган ишлар, ҳусусан, Фуқароларнинг ўзини ўзи бошқариш органлари фаолиятини мувофиқлаштириш бўйича Худудий Кенгашлар фаолиятини ташкил этиш масалалари, аънавий ўтказиб келинаётган «Отам, онам ва мен — спортчилар оиласимиз» мусобақаси, «Маҳалламиз паҳлавонлари» турнири ҳамда бошқа қатор тадбирлар тўғрисидаги маълумотлар тақдим этилди.

Йиғилишда оила ва хотин-қизлар ҳамда фуқаролар йиғинларининг диний маърифат ва маънавий-ахлоқий тарбия масалалари бўйича маслаҳатчиларига услубий-амалий кўмаклашишда бўлинмалар бош мутахассислари фаолияти ҳамда маҳаллаларда олиб борилаётган маънавий-маърифий тадбирларда ютуқлар билан бирга, айрим камчиликлар ҳам кўзга ташланаётгани айтиб ўтилди.

Бошқарув йиғилишларида жорий йилнинг 21 декабрь кунин Олий Мажлис Қонунчилик палатаси, халқ депутатлари вилоят, туман ва шаҳар Кенгашларига ўтадиган сайловларни адолат, ошкоралик тамойиллари асосида, юқори савияда ўтказилишига кўмаклашиш юзасидан фикрлашиб олинди.

Тадбирлар сўнггида йўл кўйилган камчиликларни бартараф этиш бўйича аниқ тақлифлар билдирилиб, чора-тадбирлар режаси ишлаб чиқилди.

Танқидий ва ишанчанлик руҳидаги йиғилишлар «Маҳалла» хайрия жамоат фондининг Қорақалпоғистон Республикаси ва барча вилоят бўлимида ҳам бўлиб ўтди.

Вилоят мухбирлари хабарлари асосида тайёрланди.

< [1]

Шу мақсадда пойтахтимизнинг Мирзо Улуғбек туманидаги «Аҳиллик» маҳалла фуқаролар йиғинининг янги биносини қуриш учун Фонднинг туман бўлини ҳисобидан 53 миллион сўм маблағ ажратилди. Жорий йилнинг ўтган даври мобайнида Миробод туманидаги «Оқ уй», «Янги Замон», «Толарик», «Биродарлик», Олмазор туманидаги «Чуқурсой», «Кичирик» маҳаллалари бинолари реконструкция қилинди ҳамда «Ачаобод», «Ёшлик», «Эски шаҳар», «Чимбой», Гани Аъзамов номидаги ва «Гуручарик» маҳаллалари жорий таъмирдан чиқарилди.

Сергели туманидаги «Дўстлик», Яшнобод туманидаги Амир Темур, Ал-Бухорий номидаги ҳамда «Моҳинур» маҳалла идораларини таъмирлаш ишлари давом этяпти. Чилонзор туманидаги «Ботирма», «Дўстлик», «Катта Хирмонтепа» маҳалла фуқаролар йиғинларини таъмирлаш мақсадида Фонднинг туман бўлини ҳисобидан 42 миллион сўм, Юнусобод тумани «Минор», «Янгиобод» маҳалла идораларини реконструкция қилиш ва таъмирлаш учун 40 миллион сўм, Яқкасарой тумани «Конституция» ва «Бошлик» маҳалла фуқаролар йиғинлари биноларини таъмирлаш мақсадида эса 40 миллион сўм маблағ ажратилди.

— Авваллари идорамизда фуқароларни қабул қилишга мутлақо шароит йўқ эди, — дейди Яқкасарой туманидаги «Конституция» маҳалласи раиси Набижон Пулатов. — Бош Қомусимизнинг 22 йиллиги арафасида йиғинимиз биноси капитал таъмирдан чиқарилди. Бу ишлар фаолиятимизда самарадорликка эришишда муҳим омил бўляпти.

Жорий йилнинг 9 ой давомида 3 та маҳалла фуқаролар йиғинларида компьютер жамланмаси, 49 тасига мебель жиҳозлари, 2 тасига нусха кўчириш аппарати олиб берилди. Ушбу мақсадларга Фонд бўлиналари ҳисобидан 50 миллион сўмга яқин маблағ йў-



налтирилди. Шунингдек, Соғлом бола йилида «Намунавий маҳалла» Дастури доирасида пойтахтимиздаги 375 та маҳалладан ҳар чоракда иккитасини намунали ҳолатга келтириш кўзда тутилган. Шу пайтгача Бектемир туманидаги «Роҳат», «Миришкор», Миробод туманидаги «Файзиобод», «Парвона», Мирзо Улуғбек туманидаги Шуқур Бурхонов ҳамда Алишер Навоий номидаги, Яшнобод туманидаги «Янги давр», «Иқбол», Учтепа туманидаги «Истироҳат», Чилонзор туманидаги «Чилонзор», «Навбахор», Шайхонтоҳур туманидаги «Тинчлик», «Илғор», Юнусобод туманидаги «Бободехон», Яқкасарой туманидаги «Дамарик» маҳаллалари намунали қиёфага келтирилди.

Бир сўз билан айтганда, ташкил этилаётган замонавий маҳалла гузарлари юрт ободлигини таъминлаш билан бирга, меҳр-оқибат, ҳамжиҳатлик маскани сифатида ҳам эъзоз, эътибор тоғмоқда.

Жорий йилнинг 9 ой давомида 3 та маҳалла фуқаролар йиғинларида компьютер жамланмаси, 49 тасига мебель жиҳозлари, 2 тасига нусха кўчириш аппарати олиб берилди. Ушбу мақсадларга Фонд бўлиналари ҳисобидан 50 миллион сўмга яқин маблағ йў-

ЗАМОНАВИЙ ҚВП

Ташхис ва даволаш учун қулай шароит

Конимех туманининг энг чекка ҳудуди — Учтепа овул фуқаролар йиғинидаги қишлоқ врачлик пункти аҳоли саломатлигини мустаҳкамлаш ва соғлом турмуш тарзини шакллантиришда маҳалла фуқаролар йиғини билан ҳамкорликда иш олиб бораётир.

■ Нилуфар ЮНУСОВА «Mahalla»

— Муассасамиз 2500 нафар аҳолига тиббий хизмат кўрсатади, — дейди муассаса мудири Шамшод Жемуратов. — Ҳудуддаги 275 та хонадонга умумий амалиёт шифокори ва ҳам-

ширалар бириктирилган. Улар ҳар бир оила аъзосининг соғлигини назорат қилиб, соғлом турмуш тарзига оид тарғибот ишларини олиб боришмоқда. Айниқса, фертил ёшидаги ва ҳомиладор аёлларга муҳим тавсиялар, маслаҳатлар бериляпти. Врачлик пункти-мизда ташкил этилган фитобарда тай-



ИЖТИМОЙ ҲИМОЯ — БОШ МЕЗОН

Ҳеч ким меҳр-мурувватдан бебаҳра эмас

Халқимизга хос меҳр-оқибат, ғамхўрлик ва саховат каби эзгу фазилатлар қалбимизга она алласи, ота ўнгини билан синади. Шу боис нафақат қариндошлар ўртасида, балки қўни-қўшни, маҳалла-қўй орасида ҳам ҳамшира яхши-ёмон кунда елкадош, ўксик дилларга малҳам бўлишдек амаллар турмушимизнинг ажралмас қисмига айланиб кетган.

■ Садоқат МАХСУМОВА «Mahalla»

Мурувват тадбирларини аниқ ва тартибли олиб боришда «Маҳалла» хайрия жамоат фондининг бўлими ва бўлинмалари бажараётган ишлар эътирофга молик. Фондининг Бўстонлик тумани бўлини ҳисобга олиш мақсадида манзилли ижтимоий кўллаб-қувватлаш бўйича хайрия тадбирларини мунтазам ўтказиб бериш фикримизга бир далил.

Туман ҳокимлиги ва ҳомийлар ҳамкорлигида кам таъминланган, боқувчисини йўқотган оилалар, ногиронлар ҳамда ёлғиз кексалар-

га моддий-маънавий кўмак берилмоқда. Бунда, айниқса, туман Меҳнат ва аҳолини ижтимоий муҳофазат қилиш бўлими билан фуқаролар йиғини ўртасидаги ҳамкорлик қўл келмоқда.

— Фуқароларнинг ўзини ўзи бошқариш органлари томонидан аҳолига ижтимоий кўмаклашишда ҳолисиқ мезонларига амал қилинмоқда, — дейди «Маҳалла» хайрия жамоат фонди Бўстонлик тумани бўлини раиси Тўрабой Раҳмонов. — Ҳимоянинг аниқ йўналтирилишига риоя этиш, ажратилган маблағлардан мақсадли фойдаланишда маҳаллалар билан ҳамжиҳатликда иш олиб бор-

ган. Шунингдек, йиғин ва ҳомийлар ўнта эҳтиёжманд оила фарзандларининг суннат тўйини ўтказиб берди. Боқувчисини йўқотган оила фарзандларига ўқув қуроллари харид қилиниб, 2-3 ёшли фарзандлари бор оналарнинг 18 нафарига моддий ёрдам кўрсатилди.

— Турмуш ўртоғим вафот этганидан сўнг 2 нафар фарзандим билан боқувчисиз қолдим, — дейди Думалоқ қишлоқлик Малоҳат Саматова. — Рўзгорни бутлаб олишимда маҳалла яқиндан ёрдам кўрсатди. Моддий кўмак сифатида берилган бир бош қорамол рўзгоримга қут-баракка олиб кирди.

Эҳтиёжманд оилаларнинг турмуши фаровонлашиб бораётганида ижтимоий кўмак муҳим омил бўлмоқда. «Ҳар бир болага меҳр-эътибор» тадбири доирасида, асосан, шундай оила фарзандларининг пойтахтимиздаги истироҳат боғларига

ёрланаётган шифобахш дамламалар аҳоли соғлигини мустаҳкамлаш, турли касалликларнинг асоратларини йўқотишда қўл келмоқда.

Айни пайтда ҚВПнинг 26 нафар тиббиёт ходими Учтепа, Саржал, Боймурат овул фуқаролар йиғинлари аҳолисига тиббий хизмат кўрсатади. Пункт замонавий тиббиёт ускуналари билан жиҳозланган. Худуд аҳолисининг етмиш физи чуқурлаштирилган тиббий қўриқдан ўтказилиб, таҳлил натижаларига асосан керакли чора-тадбирлар белгиланди.

Оилаларда соғлом турмуш тарзини йўлга қўйишда ҚВП қошида фуқаролар йиғини билан ҳамкорликда «Оналар мактаби» ташкил этилган. Ҳар ой охирида ўқув-семинар ўтказилиб, унда мутахассислар аёлларга она сутининг афзаллиги, чақалоқ парвариши, қўшимча овқатлантириш тартиби ва соғлом фарзандни дунёга келтиришга оид тавсиялар берилади. Ўқув адабиётлари тарқатилади. Келгусида ушбу муассасада «Саломатлик-3» лойиҳаси асосида қайта жиҳозлаш, замонавий тиббий дастгоҳлар келтириш, беморларга шу ернинг ўзида аниқ ташхис қўйиш, даволаш имкониятларини яратиш режалаштирилган.



саёхатлари уюштирилмоқда. Эзгу ишлардан жисмоний имконияти чекланган инсонлар, Меҳрибонлик уйлари тарбияланувчилари ҳам баҳраманд.

< [1]

Сайловларни кўрсатишда участка сайлов комиссияларининг алоҳида ўрни бор. Вилоятимиздаги 306 та фуқаролар йиғинининг барчаси қонунда белгиланган ваколатлари доирасида сайлов участкаларини тузиш ва уларнинг комиссиялари таркибини шакллантиришда фаол иштирок этди. 463 та сайлов комиссияси таркибига барча фуқаролар йиғинлари томонидан жамоат ишларида фаол, эл орасида обрў-эътибор қозонган фуқароларнинг номзодлари тавсия этилди.

Шунингдек, фуқаролар йиғинлари сайлов комиссиялари учун хоналар ажратиш, уларни жиҳозлаш, сайлов комиссияси аъзолари учун қулай шарт-шароит яратишда ҳам давлат органлари билан яқин ҳамкорлик қилаётир.

Фонд мутасаддилари халқ депутатлари вилоят, туман ва шаҳар Кенгашларига ўз номзодларини кўрсатишди. Номзодлар орасида фуқаролар йиғинлари раислари, масъул котиблар, диний маърифат ва маънавий-ахлоқий тарбия масалалари бўйича маслаҳатчилар ҳам бор.

Сайлов қонунчилигига киритилган ўзгариш ва қўшимчалар ҳамда «Фуқароларнинг ўзини ўзи бошқариш органлари тўғрисида»ги янги таҳрирдаги қонунда белгиланган ваколатлар жорий йилги сайловларда маҳаллаларнинг янада фаолроқ иштирок этишида ҳуқуқий асос бўлиб хизмат қилди.

Сайловларга тайёргарлик кўриш бўйича ўтказилган йиғилишларда «Маҳалла» хайрия жамоат фонди вилоят бўлими, туман, шаҳар бўлинмалари сайловчиларнинг хоҳиш-иродасига боғлиқ. Шу мақсадда бугун Фонд мутасаддилари ҳамда маҳалла фаоллари сайловни қонунчилик, адолат, ҳолисини таъминлашга алоҳида эътибор қаратяпти.

САЙЛОВГА ОИД САВОЛ

Йиғинлар иштироки ҳуқуқий асосланган

САВОЛ:

— Фуқароларнинг ўзини ўзи бошқариш органларининг сайловларда иштироки қайси қонун ҳужжатлари билан тартибга солинади?

ЖАВОБ:

— Янги таҳрирдаги «Фуқароларнинг ўзини ўзи бошқариш органлари тўғрисида»ги қонуннинг 11-моддасида шаҳарча, қишлоқ, овул ва шаҳардаги маҳалла фуқаролар йиғинининг Ўзбекистон Республикаси Президенти сайлови бўйича, Ўзбекистон Республикаси Олий Мажлисининг Қонунчилик палатасига, халқ депутатлари вилоят, туман ва шаҳар Кенгашларига сайлов бўйича участка сайлов комиссияларининг аъзолигига номзодларни тегишли округ сайлов комиссияларига, шунингдек, референдум ўтказиш бўйича участка комиссияларининг аъзолигига номзодларни референдум ўтказиш бўйича тегишли округ комиссияларига тақдим этиши ҳамда халқ депутатлари туман, шаҳар Кенгаши депутатлигига номзод кўрсатиш тўғрисида қарор қабул қилишига доир ваколатлари мустаҳкамланган.

латлари ўз ифодасини топган. Шунингдек, янги таҳрирдаги «Ўзбекистон Республикаси Олий Мажлисига сайлов тўғрисида»ги қонунда давлат ва хўжалик бошқаруви органлари, маҳаллий давлат ҳокимияти органлари, жамоат бирлашмалари, шунингдек, фуқароларнинг ўзини ўзи бошқариш органлари депутатликка номзодларга, сиёсий партияларга сайловчилар билан учрашувлар ўтказиш учун жиҳозланган хоналарни бепул ажратиши, зарур маълумот ва ахборот материалларини олишда ёрдам кўрсатиши шартлиги белгиланган.

Ўзбекистон Республикасининг «Халқ депутатлари вилоят, туман ва шаҳар Кенгашлари сайлов тўғрисида»ги қонунининг қатор моддаларида ҳам фуқаролар ўзини ўзи бошқариш органларининг иштирокига оид муносабатлар тартибга солинган. Хусусан, сайловга тайёргарлик кўриш ва уни ўтказишга доир барча тадбирларда, шунингдек, сайлов кунини овоз бериш хоналарида ҳамда овозларни санаб чиқишда депутатликка номзодлар кўрсатган фуқароларнинг ўзини ўзи бошқариш органларидан биттадан кўзатиш ҳуқуқига эга.

Сайлов оид Ўзбекистон Республикаси қонунчилигидан.

ИСТИҚОЛ БЕРГАН ИМКОН

Бойсун улкан бунёдкорлик остонасида



< [1]

Замонавий қишлоқ қиёфаси бугун бевосита намунавий уй-жойлар ҳамда замонавий маҳалла гузарларида намён бўлаётгани бор гап. Шу боис жорий йилда тумандаги «Биби-ширин» ҳамда «Бошрабод» маҳаллаларида 35 тадан замонавий уй-жой қурилиб, фойдаланишга топширилди. Барча қулайликларга эга ховлиларда фуқаролар турмушидан мамнун бўлиб яшамоқда. Аҳоли массивида қурилган болалар майдончаси, спорт мажмуаси доимо ёшлар билан гавжум.

Шунингдек, тумандаги «Инкабод», «Ариқ усти», «Мустақиллик» каби 6 та маҳалла фуқаролар йиғини биноси саховатпеша тadbиркорлар кўмагида янгидан қурилди. «Боғи-болло», «Ширинбод» фуқаролар йиғинлари биноларини реконструкция қилиш мақсадида Фонднинг вилоят бўлими томонидан 8 миллион 260 минг сўм маблағ ажратилди. Шу билан бирга, тумандаги ўттизта маҳалла гузари ҳам худудлар қиёфасига кўрк бағишлади.

«Ариқ усти» ва «Газ» маҳалла фаолларининг саъй-ҳаракатлари ҳамда Фонднинг туман бўлимигадан ажратилган 12 миллион сўм маблағ эвазига барча шароитларга эга замонавий спорт мажмуаси қад ростлади. «Темир дарвоза» фуқаролар йиғинининг ёшлари учун ҳам болалар майдончаси қисқа фурсатда фойдаланишга топширилади.

ҚОНУН ТАРБИОТИ

Хуқуқий маданият қонунларга амал қилишдир

Мухтор Бердиев бўш вақт топди дегунча маҳалла худудини айланади, йўлда ким билан дуч келмасин, сўраша туриб унинг кайфияти қандайлигини пайкаб олади. Шу асно маҳалладошларининг қувончу ташвишидан доимо оғох. Бугун ҳам идорадаги ишларини саранжомлаб соатига қаради: туман ҳокимлигида ўтадиган йиғилишга ҳали бир соатча вақт бор. Масъул котибга яқин ҳудуд бўлишини, зарурат тугъиса, қўл телефонига қўнғирок қилишини таъкидлаб, кўчага чиқди.

■ Холбиби САФАРОВА «Mahalla»

— Ассалому алайкум, раис бобо, маҳаллага, сизнинг ёнингизда бораётганимиз, — деди қаршидан чиққан аёл ийманиб.

Мухтор ака алик оларкан унинг чехрасидаги маъюсликдан ахволни тушунди: «Қизим, идорага бораверинг, зумда ўша ерда бўламан», деди.

Бу аёлнинг турмуш ўртоғи анчадан бўён хорижда. Уйга бир чақа ҳам жўнатмагани етмаганидек, яқинлари унинг ахвали қандайлигини ҳам билишмайди. Олти ойдири, домдарақисиз. Аксига олиб, қайнукани Шерзод ичкиликка берилган. Хар кун уйламанан, уйни бушатиб қўйинг», дея ўдағайлайди. Шерзоднинг бақир-чақирдан безор бўлган қўшнilar маҳаллага бориб, бор гапни айтиб беришди. Кунни кеча Шерзод маҳалла фаолларига феъл-атвори ни тузатиш тўғрисида ваъда берганди. Нахотки у ваъдасида турмай, бугун яна тўполон қилган бўлса.

Улар билан ёнма-ён яшаётган кўча боши Хайрулла ака қўшни уйдан бақир-чақир овозлар эшитилмаганини айтганча, раис хайрон бўлиб ортига қайтди.

— Ўғлим энди 8-синфда ўқияпти. Шу пайтдан тамаки чекишни бошлабди, уни отасиз тарбиялашга қўйнаймаман, — дея йиғлаб юборди аёл. — Кеча дўконга тузга чиққан-ди, қайтишга тамаки олибди, чўнтагидан топловдим...

«Демак, Қарим дўкончига гапимиз кор қилмабди-да, — уйлади Мухтор ака. — Ахир, тамаки, спиртли маҳсулотлар сотмаслик тўғрисида қайта-қайта оғохлангандик уни».

Қизилтепа туман давлат солиқ инспекцияси нозирлари маҳалла худудидидаги савдо дўконидан қонунга зид равишда алкоголь ва тамаки маҳсулотлари сотилаётгани хулосасида далолатнома тузишди. Шу кунлик фуқаролар йиғинида учрашув ўтказишди. Тадбирда Ўзбекистон Республикасининг 2011 йил 5 октябрдаги «Алкоголь ва тамаки маҳсулотларининг тарқатилиши ҳамда

БИТИРUVЧИ БАНДЛИГИ

Ёшлар машғулот ва муқум иш жойларида

Мамлакатимизда ёшларни меҳнат фаолиятига тўла-тўқис жалб этиш, улар бандлигини таъминлаш долзарб вазифалар сирасидан.

■ Ашуралӣ БОЙМУРОД «Mahalla»

Тошкент вилояти Ангрен шаҳридаги «Кимёгар» маҳалла фуқаролар йиғинида янги иш ўринлари ташкил этиш ва аҳоли бандлигини таъминлаш дастури доирасида салмоқли ишлар амалга ошириляётир. Айниқса, коллеж битирувчиларини ишга жойлаштиришда худуддаги тadbиркорлар билан мустақам ҳамкорлик ўрнатилгани яхши самара бермоқда.

— Жорий йилда маҳалламизнинг 52 нафар ўғил-қизи касб-хунар коллежларини турли йўналиш ва мутахассисликлар бўйича битирди, — дейди маҳалла фуқаролар йиғини раиси Абдулла Ҳамидов. — Уларнинг 33 нафарини худуддаги тикувчилик корхонаси, маиший хизмат кўрсатиш шохобчалари ва тумандаги тижорат банкларига ишга жойлаштирдик. Қолганларига «Ўзбекқўмир» очик акциядорлик жамияти ҳамда Ангрен иссиқлик электр станцияси билан уч томонлама шартнома имзолаб, муқим иш ўрнига эга бўлишга кўмаклашдик.

Қолаверса, ёшларнинг бўш вақтларини умумли ташкил этиш, касб-хунарга йўналтириш борасидаги ишларда йиғиннинг Вояга етмаганлар, ёшлар ва спорт масалалари бўйича комиссияси раиси, диний маърифат ва маънавий-ахлоқий тарбия масалалари бўйича маслаҳатчиси ҳамда «Маҳалла посбони» жамоатчилиги тузилмаси сардорининг ҳамжихатлигида саъй-ҳаракатлари муқим омил бўлаётганини алоҳида таъкидлаш лозим. Жумладан, улар томонидан худуддаги Ангрен қўмир саноти ҳамда Ангрен ахборот технологиялари ва 13-умумтаълим мактаби мутасаддилари билан биргаликда ўқувчилар ўртасида маънавий-маърифий ҳамда хуқуқий мавзуларда тadbирлар ўтказиб келинмоқда. Уларнинг қизиқишлари, интилишларига



қараб ўқув муассасалари қошида тўғарақлар ташкил қилинмоқда. Айни пайтда маҳалланинг юз нафарга яқин ўсмирлари жалб қилиниб, фан, касб-хунар ҳамда спортнинг турли йўналишларида машғулотлар олиб борилмоқда.

Ёшлар ўртасида соғлом турмуш тарзини қарор топтириш, спортга иштиёқни ошириш мақсадида фаоллар ташаббуси билан худудда замонавий мини-футбол ва спорт майдончаси қурилиши бошлаб юборилди.

ҚИШЛОҚЛАРИМИЗ ЖАМОЛИ

Орзулари ушалган одамлар

Жиззах вилоятидаги Пахтакор туманининг қиёфаси кейинги йилларда амалга оширилган кенг қўламли бунёдкорлик, ободонлаштириш ишларидан сўнг, тубдан ўзгарди. Айниқса, қишлоқларда намунавий лойиҳалар асосида барпо этилган янги тураржой массивлари туманга ўзгача тароват бағишлади.

■ Бек НАЗАР «Mahalla»

Пахтакор — ушбу масканнинг энг кўркам қишлоқларидан бири. Давлатимиз раҳбари ташаббуси билан мамлакатимизда қишлоқ жойларда уй-жой қурилишини ривожлантириш

дастури амалга оширила бошлангандан буён бу ерда намунавий лойиҳалар асосида 55 та уй барпо этилди.

— Янги массивларнинг ташкил этиляётгани, — дейди фуқаролар йиғини раиси Исқандар Юсупов, — оилаларни замонавий, қулай уй-жойлар билан таъминлаш, янги иш ўринларини яратиш, қишлоқ аҳли турмуш фаровонлигини юксалтиришга хизмат қилаётир. Яшаш учун энг қулай шароитларга эгали-



ги боис аҳолининг шинам уй-жойларга қизиқиши ортмоқда.

Худуддаги «Нурмат бобо» фермер хўжалиги ишчиси Зафар Нурматов ўтган йили ана шундай уйлardan бирининг соҳиб бўлди.

— Намунавий лойиҳадаги уйлар ташқи қиёфаси, қулайликлари билан шаҳарниқидан қолишмайди, — дейди З.Нурматов. — Хоналари кенг, шинам, ошхона, ювиниш хонаси ва бошқа зарур иншоотлар орзу қилганимиздек. Янги уйлар билан бир вақтда массивда маҳалла гузари, савдо, маиший хизмат кўрсатиш шохобчалари ва болалар майдончаси ҳам қурилгани қишлоғимиз жамолини очди.

Худуддаги иккита мактаб биноси янгилиниб, моддий-техник базаси мустаҳкамланди. Касб-хунар коллежининг барпо этилгани эса, қишлоқ кўрмига кўрк қўшди. Сув узатиш тармоқлари таъмирланиб, ичимлик суви таъминоти яхшиланди.

МАСЛАҲАТЧИ ЁН ДАФТАРИГА

Изланиш ва интилиш ёш танламайди

Косонсой туманидаги «Ровот» маҳалласида аҳоли зич жойлашган. Бу эса хизмат кўрсатиш соҳаларини ривожлантириш, бандлигини таъминлашга оид ишларни тизимли ташкил этишни тақозо қилади.

■ Хайринисо ХОЛБОВЕВА, Наманган вилояти Косонсой тумани «Ровот» маҳалла фуқаролар йиғинининг диний маърифат ва маънавий-ахлоқий тарбия масалалари бўйича маслаҳатчиси.

Худуддаги коллежда «Орас-та қизлар» тўғарагини йўлга қўйиб, унга юз нафарга яқин қизни жалб этганимиз қўл келаяпти. Улар хунар ўрганиш баробарида рўзгор юмушларини бажаришни ҳам ўзлаштирмоқдалар. Тўғаракка қатнашган қизлар бирор хонадонга келин бўлиб тушгач, турмушга тез мослашиб кетаётгани — бизнинг ютуғимиз.

Яқинда маҳаллани айлиниб юриб, бекорчиликдан кўчада суҳбатлашиб ўтирган уч-тўрт аёлга кўзим тушди. Ҳол-ахвол сўрашгач, нима билан бандликларига қиздиким. Икки нафарини ёш боласи борлиги, шунинг учун ҳеч қерда ишламаётганини айтди. Учинчи аёл эса тўрт-беш йил муқаддам турмуши бузилган, қўлида на хунари, на касб-кори бор экан. «Хозирги қизларга ҳавасим келди. «Орас-та қизлар» тўғарагида уларни оилавий ҳаётга пух-

та тайёрлашади. Ёшлигимда бундай тўғарақлар йўқлиги боис на бирор-бир хунар ўрганолдим, на муомала маданиятидан кўникма орттирдим. Қўлимдан ҳеч иш келмай, қайнонамга ёқмадим. Ҳозир тўғарақ машғулотларига қатнашай десам, ўзимдан беш-ўн ёш кичик қизлар билан бирга ўқишга хижолат тортаман», деди у.

Бу гаплар бир неча кун хаёлимдан кетмади. Дарҳақиқат, тўғаракка асосан балоғат остонасидаги қизлар қатнашади. Демак, ёши каттароқ аёллар учун ҳам шу каби машғулотлар ташкил этиш лозим экан. Маҳалла чевари Ҳовахон Раҳимова билан маслаҳатлашдик. Ҳозир унинг хонадонидан ўнга яқин ишсиз, хунарсиз уй бекаси тикувчиликни ўрганишяпти. Яқин кунларда пазандалик, тўқувчилик йўналишларида сабоқларни йўлга қўйишни ҳам қўзлаб турибмиз.

Хуллас, маҳаллада оилавий бизнес ва тadbиркорликни ривожлантириш, аҳоли бандлигини таъминлашда муайян ишлар амалга оширилмоқда. Айни кунларда «Орас-та қизлар» тўғарагида пазандлик сирларини ўрганган 20 нафар қизга меҳнат дафтарчаси очилди, яна 14 нафар зардўзлик йўналишида мустақил фаолият бошлаш арасида.

МАВСУМ ТАДОРИГИ

Қиш-қировли кунлар иссиқ уйлarda ўтади

Аҳоли қиш мавсумини қўнғилдагидек ўтказиши учун уй-жой фонднинг 2014-2015 йиллар қиш даврида барқарор ишланиши таъминлашда Сирдарё вилоятидаги мавжуд хусусий уй-жой мулкдорлари ширкатлари маҳалла фуқаролар йиғинлари билан мустақам ҳамкорлик ўрнатган. Бу борада вилоятнинг ҳар бир маҳалласида йўлга қўйилган жамоатчилик назорати муаммолар ечимида қўл келмоқда.



■ Топшўлат ХАЙИТБОВЕВ «Mahalla»

Сирдарё вилояти ҳокимлигининг уй-жой, коммунал хўжалиги соҳасида ислохотларни амалга ошириш департаменти маълумотларига кўра, хусусий уй-жой мулкдорлари ширкатларининг аҳолига кўрсатаётган хизмати ана шу ҳамкорлик боис намунавий даражада ташкил этилган. Ҳозирга қадар фуқаролар йиғинлари тавсиясига биноан ҳодимлар ёрдамида 58 та кам таъминланган оиланинг уй-жойлари таъмирланиб, уларга ўтин ҳамда кўмир етказиб берилди.

Айни пайтда аҳоли ўртасида «Менинг уйим, менинг маҳаллам», «Ўз уйингни ўзинг асра» мавзуларида давра суҳбатлари ўтказилляпти. Тадбирларда аҳолига қиш мавсумига кўрадан хабардор бўлиш, балки уларга амал қилиш, бўйсунуш ҳамдир. Фуқароларнинг хуқуқий саводхонлиги ва маданияти ортиб боргани сайин қонунга қонун устуворлигини таъминлашга астойдил хисса қўшади. Буни яхши билган вангозилик фаоллар ички ишлар бўлими, прокуратура, давлат нотариал идораси ва бошқа ташкилотлар билан ҳамкорликда фуқароларнинг хуқуқий маданиятини юксалтиришга қаратилган тарғибот тadbирларини мунтазам ўтказиб келишмоқда.

мақда. Ҳозирда Гулистон шаҳрида 50 та, Янгиер шаҳрида 8 та, Ширин шаҳрида 6 та хусусий уй-жой мулкдорлари ширкатлари фаолият юритмоқда.

— Ширкатлар фаолиятини ривожлантириш, аҳолига сифатли хизмат кўрсатиш асосий вазифаларимиздан, — дейди Сирдарё вилояти ҳокимлигининг уй-жой, коммунал хўжалиги соҳасида ислохотларни амалга ошириш департаменти бошлиғи Шўҳрат Алиқулов. — Хусусий уй-жой мулкдорлари ширкатларининг иқтисодий ахвали доимо эътиборимизда. Истеъмолчиларнинг коммунал тўловларини ўз вақтида тўлашларида маҳалла фаоллари кўмағига таянмяпти.

Иқтисодий тармоқлари, уй-жой фонди ва иқтисодий соҳа объектларининг қиш мавсумида барқарор ишланиши таъминлаш мақсадида ХУМШ томонидан 252 та уйда таъмирлаш ишлари тўлиқ бажарилди. Бу ишларга ҳомийлар жалб этилган. Ҳомийлар томонидан Ширин Гулистон шаҳрининг ўзидан 86 та уйнинг иштиш тизими, иссиқ сув, ичимлик сува, каналлашти тармоқлари таъмирланиб, йўлакларига эшик ва ойналар ўрнатилди.

Ҳа, бугун ширкат раисларининг масъулияти ва фаоллиги ортган. Чунки олдинда қишнинг синови кўнлари кутмоқда.



